

Láhka geassemánu 17. 2005 nr. 85 riektediliid ja eatnamiid ja luondduvalljodagaid hálddaheami birra Finnmárkku fylkkas (finnmárkkuláhka)

Kapihtal 1 Dábálaš mearrádusat

§ 1 Lága ulbmil

Lága ulbmil lea lágidity diliid nu, ahte eatnamat ja luondduvalljodagat Finnmárkku fylkkas hálddahuvvojit dásseid ja ekologalaččat suvdinnávccalaš vuogi mielde fylkka ássiide buorin ja earenoamážit sámi kultuvrii, boazodollui, meahcásteapmái, ealáhusdoaimmaheapmái ja servodateallimii vuodusin.

§ 2 Doaimmaviidodat

Láhka gusto gittaopmodagaide ja čázádagaide oktan luondduvalljodagaiguin Finnmárkku fylkkas. Gáddesárgás gusto láhka nu guhkás merrii go ovttas kas oamastanvuoigatvuohta ollá.

§ 3 Gaskavuohta álbmotriektái

Láhka gusto daid ráddjehusaiguin mat čuvvot ILO-konvenšuvnnas nr. 169 eamiálbmogiid ja čearddaid birra iehčanas stáhtain. Láhka galgá adnojuvvot álbmotrievtti njuolggadusaid mielde álgoálbmogiid ja veahádagaid birra ja daid mearrádusaid mielde mat leat šiehtaduvvon vieris stáhtaiguin guolásteami birra rádjáčázádagain.

§ 4 Sámedikki válldahusat meahcceeatnamiid nuppástuvvan geavaheapmái

Sámediggi sáhtá addit válldahusaid dasa, mo meahcceeatnamiid nuppástuvvan geavaheami váikkuhus sámi kultuvrii, boazodollui, meahcásteapmái, ealáhusdoaimmaheapmái ja servodateallimii galgá árvoštallojuvvot. Válldahusaid galgá departemeanta dohkkehit. Departemeanta iská leatgo válldahusat vuosttas čuoggá ráma siskkobealde, ja leatgo hábmjuvvon heivvolaš vuogi mielde.

Áššiin meahcceeatnamiid nuppástuvvan geavaheami birra galget stáhtalaš, fylkkagiielddalaš ja giielddalaš eiseválddit árvoštallat, mo nuppástupmi váikkuha sámi kultuvrii, boazodollui, meahcásteapmái, ealáhusdoaimmaheapmái ja servodateallimii. Sámedikki válldahusat galget adnojuvvot sámi beroštusaid árvoštallama vuodusin vuosttas čuoggá mielde.

§ 5 Gaskavuohta bissovaš vuoigatvuoðaide

Sámit leat oktasaččat ja oktagaslaččat bistilis eana- ja čáhceguovlluid geavahemiin rábidan vuoigatvuođaid eatnamiidda Finnmárkkus.

Láhka ii guoskkat oktasaš dahje oktagaslaš vuoigatvuođaid, maid sámit ja earrásat leat rábidan oamastusa dahje dološ áiggi rájes geavaheami bokte. Dát gusto maiddáid daid vuoigatvuoðaide, mat boazodolliin leat dákkár vuđđosa alde dahje boazodoallolága mielde.

Nannen dihtii vuoigatvuođaid mahtodaga ja sisdoalu, mat sámiin ja earrásiin leat oamastusa dahje dološ áiggi rájes geavaheami vuodul dahje eará vuđđosa alde, ásahuvvo komišuvdna mii galgá čielggadit vuoigatvuođaid Finnmárkku eatnamiidda ja čáziide, ja sierraduopmostuollu mii galgá mearridit soahpameahtunvuođaid dakkár vuoigatvuođaid alde, vrd. kapihtal 5.

Kapihtal 2 Finnmárkkuopmodat

§ 6 Finnmárkkuopmodaga riektedilli

Finnmárkkuopmodat (Finnmarkseiendommen) lea Finnmárkkus sierra riektesubjektta, mii galgá hálddahit eatnamiid ja luondduvalljodagaid jna, maid dat oamasta lága ulbmila mielde ja dán lága njuolggadusaid mielde.

§ 7 Finnmárkkuopmodaga stivra

Finnmárkkuopmodaga jodiha stivra, mas leat guhtta olbmo.

Finnmárkku fylkkadiggi ja Sámediggi välljeba ieža goabbáge golbma lahtu oktan persovnnalaš sadjásašlahtuiguin. Lahtut ja sadjásašlahtut galget ássat Finnmárkkus. Sámedikki välljen lahtuid gaskkas galgaba uhcimustá okta stivrralahttu ja su sadjásašlahttu leat boazodoalu ovddasteaddjit. Sihke lahttun ja sadjásašlahttun galgaba guktot orgánat välljet sihke nissoniid ja dievduid. Orgána galgá välljet lahtuid ja sadjásašlahtuid ovttá ollái. Stivrralahttun dahje sadjásašlahttun ii sáhte välljet Finnmárkkuopmodaga virgehasaid, Finnmárkkuopmodaga rehketdoallodárkki-steadđji ja gozihanlávdegotti lahtuid ja sadjásašlahtuid.

Stivrralahtut ja sadjásašlahtut nammaduvvojit njealji jahkáii hávállassii. Ii oktage sáhte leat stivrralahttun eambo go logi jagi oktilassii.

Stivrralahtuid ja sadjásašlahtuid sáhtta bidjat eret dat orgána, mii lea nammadan guoskevačča. Orgána galgá dalle oddasis válljet lahtuid ja sadjásašlahtuid ovttá ollái.

Stivrralahtuin ja sadjásašlahtuin lea vuoigatvuohta luohpat ovdal go bálvalusáigi lea nohkan, juos lea earenoamáš ártá. Stivríi ja orgánii, mii lea nammadan guoskevačča, galgá addojuvvot govttolaš ovddalgihtediedáhus. Njealját laddasa nubbi čuokkis gusto seamma láhkai.

Stivra vállje ieš lahtuidis gaskkas jodiheaddji ja várrejodiheaddji. Juos ii oktage oáččo eanetlogu, de mearrida Finnmárkku fylkkadiggi leaskalohkojagiin ja Sámediggi bárralohkojagiin guhtemuččat guđa lahtus galgaba leat jodiheaddji ja várrejodiheaddji.

§ 8 Dávkileappot gorreválggaid birra

Stivrralahtuid ja sadjásašlahtuid válggat galget dollojuvot gorreválgan nugo namahuvvo gielddalágas § 37, juos uhcimustá okta orgána lahtuin dan gáibida.

Juos gorreválggain lea dárbbášlaš deavdit gáibádusa, man mielde lahtuid ja sadjásašlahtuid gaskkas galget leat sihke nissonat ja dievddut, de galgá beare uhccán ovddastuvvon sohkaheami evttohasaid loktet badjeliidda dan listtas, mii lea ožžon uhcimus jienaid daid listtaid gaskkas mat galget ovddastuvvot. Juos leat ovttá meare jienat, de mearriduvvo vuorbádeami bokte guđe listtas loktejuvvo badjeliidda.

Juos gorreválggain Sámedikkis lea dárbbášlaš deavdit gáibádusa, ahte okta stivrralahtuin ja su sadjásašlahttu galgaba leat boazodoalu ovddasteaddjit, de galgá boazodoalu ovddasteddjiid loktet badjeliidda dan listtas, mii lea ožžon uhcimus jienaid daid listtaid gaskkas, mat galget ovddastuvvot ja main leat dakkár evttohasat. Juos ii leat oktage dakkár lista, de manná mañimus stivrrasadji boazodoalu ovddasteddjiide, geat leat dan listtas mii lea ožžon eanemus jienaid daid listtaid gaskkas, main leat dakkár evttohasat. Juos leat ovttá meare jienat, de mearriduvvo vuorbádeami bokte, guđe lista lea ožžon eanemus dahje uhcimus jienaid.

§ 9 Stivrra dahkamušat ja áššegiedahallan

Finnmárkkuopmodaga hálddaheapmi gullá stivríi. Stivra galgá fuolahit doibmii bealuštahtti organiserema. Stivra galgá dárbbášlaš olis mearridit plánaid, budjeahta, válddahusaid ja bagadusaid doibmii. Stivra čadaha guorahallamiid, maid atná dárbbášlaššan vai sáhtta doaimmahit dahkamušaidis. Stivra čadaha guorahallamiid, juos okta stivrralahttu gáibida dan.

Stivrrajodiheaddji galgá fuolahit, ahte áige-guovdilis áššit giedahallojuvvojit stivrras ja ahte stivra gohččojuvvo čoahkkimiidda ulbmillaš vuogi mielde ja govttolaš áigemerin. Okta stivrralahttu sáhtta gáibidit stivrra giedahallat dihtoáššiid.

Stivra galgá giedahallat áššiid čoahkkimis, juos jodiheaddji ii gávnnat ahte ášši sáhtta ovdandivvut stivríi čálalaččat dahje giedahallat eará sihkaris vuogi mielde. Okta stivrralahttu sáhtta gáibidit čoahkkingiedahallama.

Stivra sáhtta dahkat mearrádusaid, go uhcimustá vihtta lahtu leat das. Mearrádusat dahkkojuvvojit dábálaš eanetloguin, juos eará ii čuovo §:s 10. Go leat ovttá meare jienat, de mearrida stivrrajodiheaddji jietna.

Stivra addá jahkásaččat mitalusa gozihanlávdegoddái Finnmárkkuopmodaga doaimmas. Mitalusas galgá namalassii čilget meahcceednamiid geavaheami nuppástumiid ja árvoštallat maid nuppástumit mearkkašit sámi kultuvrra luondduvuddosii, boazodollui, meahcásteapmái, ealáhusdoaimmaheapmái ja servodateallimii.

Stivra mearrida ieš iežas mávssu. Mávssu máksá Finnmárkkuopmodat.

§ 10 Áššit meahcceednamiid nuppástuvvan geavaheami ja gittaopmodagaid luobaheami jd. birra

Áššiin meahcceednamiid nuppástuvvan geavaheami birra galgá Finnmárkkuopmodat árvoštallat, mo nuppástupmi váikkuha sámi kultuvrríi, boazodollui, meahcásteapmái, ealáhusdoaimmaheapmái ja servodateallimii. Sámedikki válddahusaid § 4 mielde galgá atnit vuodđun sámi beroštusaid árvoštallamis vuosttas čuoggá mielde. Mearrádusat meahcceednamiid nuppástuvvan geavaheami birra gáibidit álo uhcimustá njealji

stivrralahtu doarjaga, juos olles uhcitlohku vuodđudallá oainnus sámi kultuvrra, boazodoalu, meahcásteami, ealáhusdoaimmaheami ja servodateallima destii mii lea árvoštallojuvvon Sámedikki válldahusaid vuodul. Juos eanetlogus eai leat eambo go njealjjs, de sáhtta uhcitlohku stivrračoahkkima áigge ovttá oli gáibidit ášši Sámedikki giedahallamii. Juos Sámediggi ii dohkket eanetlogu mearrádusa, dahje ii giedáhala ášši govttoláš áiggi sisa, de sáhtta stivrra eanetlohku ovttá oli gáibidit Finnmárkkuopmodaga váldit ášši ovdan Gonagasain, gii mearrida dohkkehuovgo mearrádus. Mearrádusa dohkkeheapmi dahká stivrramearrádusa maddása.

Juos evttohusa meahcceeatnamiid nuppástuvvan geavaheami birra, mii juogo gusto dušše Kárášjoga, Guovdageainnu, Unjárgga, Porsáŋgu ja Deanu gildii dahje gusto dušše reasta Finnmárkui, dorjot golbma ja dušše golbma stivrralahtu, de sáhttet golbma stivrralahtu ovttá oli gáibidit ášši giedahallat oktii vel. Dán giedahallamii ii searvit Finnmárkku fylkkadikki välljen mañimuš stivrralahttu, juos ášši gusto Kárášjoga, Guovdageainnu, Unjárgga, Porsáŋgu ja Deanu giellada meahcceeatnamiid nuppástuvvan geavaheapmái. Juos ášši gusto reasta Finnmárkku meahcceeatnamiid nuppástuvvan geavaheapmái, de ii searvit Sámedikki välljen mañimuš stivrralahttu gii ii ovddas boazodoalu. Ášši mearriduvvo dábalaš eanetloguin. Juos mearriduvvo meahcceeatnamiid nuppástuvvan geavaheapmi golmma ja dušše golmma stivrralahtu doarjagiin ja olles uhcitlohku vuodđudallá oainnus sámi kultuvrra, boazodoalu, meahcásteami, ealáhusdoaimmaheami ja servodateallima destii mii lea árvoštallojuvvon Sámedikki válldahusaid vuodul, de sáhtta uhcitlohku ovttá oli stivrračoahkkima áigge gáibidit ášši Sámedikki giedahallamii. Nuppi ladđasa goalmát ja njealját čookkis gusto seamma láchkai.

Nubbi ja goalmát ladđas gustojit seamma láchkai virgehasaid ja earrásiid fápmudeapmái dahkat mearrádusa meahcceeatnamiid nuppástuvvan geavaheamis.

Vuosttas ladđasis njealját ladđasii gustojit seamma láchkai áššiide meahcceeatnamiid dahje vuoigatvuodaid meahcceeatnamiin luobaheami ja láigoheami birra. Dán paragrafa mearrádusat eai gusto kapihttalis 3 namahuvvon áššiide.

Mearrádusaid gittaopmodaga luobaheamis, mat leat dahkkojuvvon uhcit go njealji stivrralahtu doarjagiin, ferte Sámediggi ja Finnmárkku fylkkadiggi dohkkehit. Vuosttas čookkis ii gusto daid opmodagaid luobaheapmái mat leat čuldojuvvon almmolaš juohkogávppi bokte ja mat leat biddjojuvvon huksen- guovlun plánain plána- ja huksenlága mielde, dahje čuldojuvvon duktasajiide maidda lea huksejuvvon.

§ 11 Áššit mat gusket virgehasaid bargodillái ja riektedillái

Finnmárkkuopmodaga virgehasat välljejit gaskkas- teaset ovddasteaddji, gii searvá Finnmárkkuopmodaga stivrii go dat giedahallá virgehasaid bargodillái dahje riektedillái guoski áššiid. Virgehasaid ovddasteaddjis lea sárdnun- ja evttohanvuoigatvuohta, muhto ii jienas- tanvuoigatvuohta.

Virgehasaid ovddasteaddjis ii leat vuoigatvuohta leat mielde giedahallamin daid áššiid, mat gustojit bargoaddi ráhkkaneapmái šiehtadallat bargiiguin, bargogiččuide, riektesoahpamehtunvuodaide bargi- idorganisašuvnnaiguin dahje tariffašiehtadusaid eret- cealkimii guoskevaš áššiin.

§ 12 Ovddastus

Stivra ovddasta Finnmárkkuopmodaga olggos- guvlui ja vuolláičállá firpmá beales.

Stivra sáhtta addit ovttá dahje mángga stivrralahttui dahje eará nammejaolbmuide vuoigatvuoda vuolláičállit Finnmárkkuopmodaga firpmá beales. Vuoigatvuoda vuolláičállit firpmá beales sáhtta goas ihkinassii rávkat ruoktot.

Juos oktage, gii ovddasta Finnmárkkuopmodaga olggosguvlui dán mearrádusa mielde, lea mannan guhkkelii go su válđi juoksu, de háldogeavaheapmi ii čana Finnmárkkuopmodaga, go Finnmárkkuopmodat duodašta ahte mieldešiehtadalli áddii dahje livččii gal- gan áddet, ahte lea mannan guhkkelii go válđi juoksu ja ahte livččii riidán rehálašvuoda dahkat háldogea- vaheami gustojeaddjin.

§ 13 Rehketoallu, rehketoalloodárkkisteapmi ja logaheapmi

Finnmárkkuopmodat doallá rehketoalulu rehketoalloodáloga njuolgadusaid mielde.

Rehketoalulu galgá stáhta autoriseren rehketoalloodárkkisteaddji dárkkistit. Rehketoalloodárkkisteaddji galgá juohke rehketoalloodáloga addit dárkkástusmuitalusa Finnmarkkuopmodaga stivrii.

Finnmarkkuopmodat galgá logahuvvot fitnodatlogaheapmái.

§ 14 Bántideapmi ja vealgeoaguheapmi

Gittaopmodaga, man Finnmarkkuopmodat oamasta ja daid ráddjejuvvon vuoigatvuodaid, mat Finnmarkkuopmodagas leat earáid oamastan gittaopmodagas, ii sáhte bidjat dáhkádussan vealggi dahje eará geatnegasvuodaid ovddas eaige dat sáhte leat velgoheaddjiduoguštanáhtun. Dát ii dattege gusto dakkár opmodagaide ja ráddjejuvvon vuoigatvuodaide opmodagain, mat leat čuldojuvvon almmolaš juohkogávppi bokte ja mat leat biddjojuvvon huksenguovlun plánain plána- ja huksenlága mielde, dahje čuldojuvvon duktasajiide maidda lea huksejuvvon.

Finnmarkkuopmodaga ii sáhte reastaluhttit dahje álggahit das vealgesiehtadallamiid.

§ 15 Badjebáhca juogadeapmi

Juos Finnmarkkuopmodagas lea bänkoduksan, reaidaruhtan dahje sullasaš aktivan, main lea gessojuvvon vejolaš vealggi ovddas, eambo go dat mii dárbbášuvvo várrin váfistit doaimma, de sáhtá stivra mearridit ahte badjebáza ollásit dahje oassálassii máksojuvvo Finnmarkku fylkkagildii, Sámediggái, fylkka gielddaide dahje dakkár oktasašávki ulbmiliidda, mat bohtet fylkka ássiide buorrin.

§ 16 Gozihanlávdegoddi

Stivrra doaimma geahččá bearrái gozihanlávdegoddi, mas leat golbma lahtu. Finnmarkku fylkkadiggi, Sámediggi ja Gonagas nammadit guhtege ovttalahtu oktan persovnnalaš sadjásašlahtuin. Lahttun ja sadjásašlahttun galgá iešguhtege orgána nammadit dievddu ja nissona. Stáhta nammadan lahttu ja sadjásašlahttu galgaba deavdit gáibádusaid, maid

duopmostuolloláhka bidjá alimusrievttiduopmáriidda. Lahtut ja sadjásašlahtut nammaduvvojit gitta njealji jagi rádjai hávássii. Ii oktage sáhte leat lahttun eambo go logi jagi oktilássii. Lahttu, gean stáhta lea nammadan, lea lávdegotti jodiheaddji.

Gozihanlávdegoddi galgá:

- a) gozihit ahte Finnmarkkuopmodaga doaimma jodi-huvvo finnmarkkulága ja eará láchkamearrádusaid mielde,
- b) válljet ovttalahtu dahje mánga stáhta autoriseren rehketoalloodárkkisteaddji dárkkistit Finnmarkkuopmodaga rehketoalulu,
- c) dohkkehit Finnmarkkuopmodaga jahkerehketoalulu, jahkemuitalusa ja dárkkástusmuitalusa,
- d) dohkkehit stivrra mávssu,
- e) dohkkehit loanahemiid ja dáhkideamiid ja
- f) dohkkehit badjebáhca juogadeami.

Juos leat sierramielalášvuodát, de eanetlohku mearrida. Mearrádusaide nugo namahuvvo nuppi lađđasis bustávas e ja f gáibiduvvo ovttamielalášvuotta.

Gozihanlávdegoddi galgá fidnet buot dábuhahtti dieđuid Finnmarkkuopmodagas, maid dárbbáša dahkamušaidis čadaheapmái dán paragrafa mielde.

Gozihanlávdegoddi addá jahkasaččat raportta Finnmarkku fylkkadiggái, Sámediggái ja departementii. Raporttas galgá gozihanlávdegoddi čilget gozihan-doaimmas, árvoštallat stivrra jahkemuitalusa ja dilalášvuodaid maid dat siskkilda, ja árvoštallat mo dát láhca doaimmá ja leago sávahahtti dan nuppástuhttit.

Gozihanlávdegotti goluid máksá Finnmarkkuopmodat. Mávssu lahtuide ja sadjásašlahtuide máksá dat orgána, mii lea nammadan guoskevačča.

§ 17 Stivrralahtuid je. ránggáštus- ja buhtadasovddasvástádus

Stivrra lahttu, firpmávuolláičáli, rehketoalloodárkkisteaddji, hovdejeaddji virgehas geasa lea addojuvvon váldi dahkat mearrádusaid Finnmarkkuopmodaga beales ráddjejuvvon áššeduovdagiid siskkobealde, dahje gozihanlávdegotti lahttu, gii fasttes jearggahisvuodain čadaha dahkamušaidis Finnmarkkuopmodaga ovddas, ránggáštuvvo sáhkui-guin dahje čavgejeaddji dilalášvuodain giddagasain gitta jagi rádjai.

Stivrra lahttu, gii eaktodáhtus dahje sahtedo-
hko lea dagahan Finnmárkkuopmodahkii manahusa
luohttámušdoaimma čadahettiin, leat geatnegas buhttet
manahusa. Gozihanlávdegoddi mearrida, gáibiduvvogo
buhtadas.

§ 18 Gaskavuohta almmolašvuodáláhkii ja hálddašanláhkii

Finnmárkkuopmodahkii gusto hálddašanlága
kapihtal II bealátkeahtesvuoda birra, § 11 oaivadan-
geatnegasvuoda birra, § 11 a áššemeannudanággi
ja gaskaboddasaš vástádusa birra ja §§ 13 rájes 13 f
rádjai jávohisvuodageaskku birra seamma láhkai.
Finnmárkkuopmodat galgá ovddalgihtii diedihit
guovllu vuoigatvuodalaččaide ja addit vejolašvuoda
cealkit hálddašanlága § 16 njuolggadusaid mielde
ovdal go Finnmárkkuopmodat dahká dakkár mear-
rádusaid, main sáhttet leat rievttálaš dahje duodalaš
čuoovvumušat sidjiide.

Finnmárkkuopmodagaáššegirjijt leat almmolaččat
almmolašvuodalaš njuolggadusaid mielde. Go oaid-
ningáibádusat biehttaluvvojit, de sáhttá gažaldaga,
leago lohpi beaitit áššegirjji almmolašvuodas, váidalit
Finnmárkku fylkkamánái.

§ 19 Álbmotmeahcit Finnmárkkuopmodaga eatnamiin

Eatnamat, maid Finnmárkkuopmodat oamasta,
sáhttet biddjojuvvot álbmotmeahccin luonddugáht-
tenlága mielde. Geavahannjuolggadusaid hábmemis
galgá deattuhit, ahte árbevirolaš geavaheami sáhttá
joatkit. Finnmárkkuopmodat ja geavahanvuoigatvuo-
dalaččat geat guoskkahuvvojit, sáhttet gáibidit buhta-
dasa ekonomalaš manahas luonddugáhttenlága
§ 20 b njuolggadusaid mielde.

§ 20 Gaskavuohta boahhtevas láhkamearrádusaide

Finnmárkkuopmodat ii leat suddjejuvvon dan
vuostá, ahte dan riektedilli dahje vuoigatvuodát nuppá-
stuhttojuvvojit, gáržžiduvvojit dahje fámuhttojuv-
vojit lága bokte.

Kapihtal 3 Ođasmuvvi valljodagat Finnmárkkuopmodaga eatnamiin

§ 21 Hálddaheami váldoprinsihpat

Finnmárkkuopmodat galgá hálddahit ođasmuvvi
valljodagaid iežas eatnamiin lága ulbmila mielde ja
daid rámaid siskkobealde, mat čuvvot fuođdolágas,
luossa- ja sáivaguollelágas ja eará láhkamearrádusain.
Luonddu mánggadáfotvuoda ja buvttadanmuni galgá
seailluhit.

Dán kapihttala njuolggadusat eai gusto juos eará
čuoovu sierra riektediliin.

§ 22 Gielddas ássi olbmuid vuoigatvuodát

Dán kapihttala njuolggadusaid mielde ja daid rá-
maid siskkobealde, mat čuvvot eará láhkamearrádu-
sain, lea sis geat ássat gielddas Finnmárkku fylkkas,
Finnmárkkuopmodaga eatnamiin vuoigatvuohta:

- a) bivdit sáivaguliid firpmiiguin,
- b) bivdit sáivačázis godđi luossaguliid gittaneav-
vuiguin mearas,
- c) mannet ja uvjet,
- d) čuohppat lastamuoraid boaldámuššan dáludárbui,
- e) loggut lavnnjiid boaldámuššan ja eará dalu-
dárbbuide ja
- f) čuohppat lastamuoraid áiddisin ja áhcestávrán
boazodoallo- ja eanadoalloeláhusa atnui.

Boazodolliin lea boazodoalu doaimmahettiin gield-
das seamma vuoigatvuohta go gielddas ássi olbmuiin.

§ 23 Finnmárkkus ássi olbmuid vuoigatvuodát

Dán kapihttala njuolggadusaid mielde ja daid rámaid
siskkobealde, mat čuvvot eará láhkamearrádusain, lea
sis geat ássat gielddas Finnmárkku fylkkas, Finnmárkku-
opmodaga eatnamiin gielddas vuoigatvuohta:

- a) bivdit fuođđuid,
- b) bivdit smávvafođžiid,
- c) oaggut čázadagain stákkuiin ja duorgguin,
- d) lubmet ja
- e) ávnnastit ruovttuduodjái.

Eanadoalloopmodahkii gullá guohtunvuoigat-
vuohta nu olu šibihidda go sáhttá dálvvi badjel bie-
bmat opmodagas.

§ 24 Sierranas vuoigatvuohta báikkálaš ávkkástallamii

Ovttaskasolbmuide dahje olmmošjoavkkuide, geat gullet báikegoddái ja geaid eallinvuođus ollásit dahje oassálassii čatnasa odasmuvvi valljodagaid ávkkástallamii gili lahka, sáhtta giella gitta 10 jagi rádjai hávállassii addit sierranas vuoigatvuođa ávkkástallat odasmuvvi valljodagain, nugo namahuvvo §§ 22 ja 23 dárkileappot albmadvon guovlluin gielldas. Guovllu ja dárkilet eavttuid mearrideames galgá atnit vuodđun báikegoddái gulli olbmuid árbevirolaš geavaheami. Guovlu galgá ovddimustá gártat oktilis guovlun gili lahka.

Finnmárkkuopmodat sáhtta addit oppalaš mearrádusaid, mo gielldat galget giedahallat ja árvoštallat áššiid dán paragrafa mielde. Finnmárkkuopmodat lea váidalusorgánan gieldda dahkan mearrádusaid hárrái. Gieldda ja Finnmárkkuopmodaga áššegiedahallamii gusto hálddašanláhka.

Dát paragrafa ii gusto fuoddo- ja smávvafođošbivdui, stággo- ja duorgobivdui čázadagain ja sáivačázis godđi luossaguliid bivdimii gittaneavvuiguin.

§ 25 Earrásiid beassan

Dán kapihttala njuolggadusaid mielde ja daid rámaid siskkobealde, mat čuvvot eará láhkamearrádusain, beassá juohkehaš Finnmárkkuopmodaga eatnamiin bivdit smávvafođožiid ja oaggut čázadagain stákkuin ja duorgguin ja lubmet iežas ruovttudollui.

Finnmárkkuopmodat sáhtta addit earrásiidda go gieldda dahje fylkka ássiide lasi beassama ávkkástallat odasmuvvi valljodagain nugo namahuvvo §§ 22 ja 23.

§ 26 Bivddu ja guolásteami báikkálaš hálddaheapmi

Finnmárkkuopmodat sáhtta gitta 10 jagi rádjai hávállassii juohkit báikkálaš servviide ja dakkár ovtastusaide, maid ulbmilin lea ovddidit oktasaččat bivddu ja guolásteami, sierranas vuoigatvuođa hálddahit bivddu ja guolásteami dárkileappot albmadvon guovlluin Finnmárkkuopmodaga eatnamiin.

§ 27 Dárkilet eavttut odasmuvvi valljodagaid ávkkástallamii ja ávkkástallama gáržžádusat

Finnmárkkuopmodat sáhtta mearridit dárkilet mearrádusaid odasmuvvi valljodagaid ávkkástallamii nugo namahuvvo §§ 22 bustáva a rájes f rádjai ja § 23 bustáva a rájes e rádjai. Finnmárkkuopmodat sáhtta mearridit ahte ávkkástallamii gáibiduvvo lohpi. Lobiide sáhtta bidjat eavttuid.

Bivdui ja guolásteapmái dárbašuvvo álo lohpi. Son gii oázžu lobi, galgá vuostáiváldit goartta dahje sullasačča, mii čájeha ahte sus lea lohpi. Departemeantta miellasuvvamiin sáhtta Finnmárkkuopmodat mearridit spiehkastagaid dán lađđasa mearrádusain.

Bivdo- ja guolástanlobis sáhtta Finnmárkkuopmodat gáibidit divada. Finnmárkkus ássi olbmuid divat ii galgga leat alit go guovtte dan mađe go gielldas ássi olbmuid divat. Divada ii sáhte gáibidit sierranas vuoigatvuođaid juohkimis § 24 mielde.

Sáivačázis godđi luossaguliid sáhtta bivdit dušše gittaneavvuiguin mearas maŋŋil go Finnmárkkuopmodat lea čujuhan bivdosaji.

Finnmárkkuopmodat sáhtta dárkileappot albmadvon guovlluide mearridit gáržžádusaid beassat ávkkástallat odasmuvvi valljodagain nugo namahuvvo vuosttas lađđasis, juos deasta valljodagas gáibida dan. Gielldaid, fuoddo- ja guolástaneiseválddiid jna. ja guoskevaš geavaheddiid servviid, galgá gullat ovddalgihtii.

Odasmuvvi valljodagaid ávkkástallama gáržžideamiin nugo namahuvvo vuosttas lađđasis galgá adnojuvvot govttolaš deasta iešgudege geavaheaddijoavkku geavaheamis valljodaga.

Finnmárkkuopmodaga mearrádusaid gáržžádusaid birra nugo namahuvvo vidát ja gudát lađđasis sáhtta váidalit departementii hálddašanlága kapihttala VI mielde. Departemeantta mearrádusa ii sáhte váidalit.

Kapihtal 4 Deatnu ja Njávdnán

§ 28 Guolásteapmi Deanu ja Njávdnáma čázadagas

Deanu ja Njávdnáma čázadagas leat báikkálaš veahkadagas sierranas vuoigatvuodát guolásteapmái lága, dološ áiggi rájes geavaheami ja báikkálaš vierudivvama vuodul.

Gonagas sáhtta lánkaásahusa bokte addit dárkilet njuolggadusaid guolásteami hálddaheami ja doaimmaheami birra. Lánkaásahus galgá lágidit vejolašvuodaid guollevalljodagaid báikkálaš vuoigatvuodaide vuodđuduvvan hálddaheapmái soahpamušaid mielde mat leat Suomain guolásteami birra Deanu ja Njávdnáma čázadagas.

Lánkaásahusaid ráhkadeapmi ja šiehtadallamat Suomain guolásteami birra Deanu ja Njávdnáma čázadagas galget dáhpáhuvvat ovttasráđiid Sámedikkiin, guoskevaš gielddaiguin ja singuin geain leat sierranas vuoigatvuodát guolásteapmái dáid čázadagain.

Kapihtal 5 Leahkki vuoigatvuodaid gárten ja dohkkeheapmi

I Finnmárkkukomišuvdna

§ 29 Finnmárkkukomišuvdna

Ásahuvvo komišuvdna (Finnmárkkukomišuvdna), mii gustojeaddji riikkagottálaš rievtti vuodul galgá čielggadit daid eatnamiid geavahan- ja eaiggátvuoigatvuodaid, maid Finnmárkkuoimodat váldá badjelassas § 49 mielde.

Gonagas nammada Finnmárkkukomišuvdna lahtuid. Finnmárkkukomišuvdnas galget leat jodiheaddji ja njeallje eará lahtu. Jodiheaddji galgá deavdit daid gáibádusaid, maid duopmostuolloláhka bidjá alimusrievttiduopmáriidda. Guovttis daid eará lahtuin galget deavdit daid gáibádusaid, mat leat biddjojuvvon diggerievttiduopmáriidda. Uhcimustá guokte lahtu galget ássat Finnmárkku fylkkas dahje eará lánkai leat čavgadit čatnašuvvan Finnmárkku fylkii.

§ 30 Čielggadanguovllu jna. ráddjen

Finnmárkkuoimodat mearrida čielggadanbarggu guovllu ja mearrida giedahallama ortnega. Mearrideames galgá ee. deattuhit deastta guovllu lunddolaš ja ulbmillaš ráddjemis oli ja rievttálaš ja historjjálaš ovtastusaid dáfus ja dárbbu čielggadit riektediliid.

Finnmárkkukomišuvdna sáhtta gáržžidit dahje viiddidit guovllu maŋnil go čielggadeapmi lea álggahuvvon, juos dat lea dárbbalaš duddjon dihtii lunddolaš ja ulbmillaš ráddjema.

Finnmárkkukomišuvdna sáhtta guođdit čielgga-keahhtá daid vuoigatvuodaid, mat čalbmosit eai heive komišuvdna čielggadeapmái. Mearrideames galgá deattuhit ee. vuoigatvuoda šlájá ja dan makkár vuodđosa ala dat vuodđuduvvá.

§ 31 Vejolaš vuoigatvuodalaččaide diediheapmi

Guovllu čielggadanbarggu birra galgá diedihit ja vejolaš vuoigatvuodalaččaid galgá ávžžuhit almmuhit iežasat. Diedihuvvo Norsk Lysingsblad bokte ja aviissas man dábalaččat lohket báikkis ja báikkálaččat eará ulbmillaš vugiin.

Boazodoalloorganisašuvnnaide ja áigeuovdilis guovllu eará geavaheaddjiberoštusaid ovdasteddjiide ja Sámediggái, Finnmárkku fylkkadiggái, Finnmárkkuoimodahkii ja guoskevaš gielddaide diedihuvvo sierra.

§ 32 Ovddasvástáduš ášši čuvgeheames

Finnmárkkukomišuvdnas lea alddis ovddasvástáduš das, ahte ášši čuvgehuvo doarvái. Komišuvdna sáhtta dainna vugiin man gávnnaha ulbmillažžan, viežžat čilgehusaid, áššegirjiid ja eará materiála ja guorahallat ja čielggadit jna. duođalaš ja rievttálaš diliid main sáhtta lea mearkkašupmi komišuvdna konklusuvnnaide.

Áššeosálaččain lea vuoigatvuolta čilget duođalaš diliid ja bidjat ovdan duođastusaid main lea mearkkašupmi komišuvdna konklusuvnnaide. Áššeosálaččat sáhttet gáibidit álggahit doaimbajuid vuosttas laddasa mielde. Finnmárkkukomišuvdna sáhtta biehttalit gáibádusa, juos dat gávnnavuvvo vuoduhaga, dahje ahte dat mielddisbukta govttolašmehttun maŋnonemiid dahje goluid juos dasa mieđiha.

Finnmárkkuopmodat sáhtta áimmahuššan dihtii áššeosálaččaid beroštusaid, nammadit iešguđetlágan beroštusjoavkkuide ovddasteddjiid, geat besset čuovvut komišuvnna barggu. Stáhta máksá goluid.

§ 33 Finnmarkkukomišuvnna raporta

Maŋŋil go komišuvdna lea čielggadan muhtun guovllu, galgá dat addit raportta, mii sisdoallá čuvgehusaid das:

- a) gii komišuvnna áddejumi mielde lea eatnama eaiggát
- b) makkár geavahanvuoigatvuodát komišuvnna áddejumi mielde leat
- c) maid áššediliide komišuvdna vuodđuda konklusuvnnaid.

Raporttas galgá boahit ovdan, leatgo konklusuvnna ovttamielalaččat. Juos nu eai leat, de galgá boahit ovdan guhtemuš lea sierramielas, ja guđe čuoggáide sierramielalašvuohta gusto. Sihke eanetlogu ja uhcitlogu konklusuvnnaid galgá vuodđudallat.

Maŋŋil go raporta lea addojuvvon, de galgá dan dalán almmuhit dan vuogi mielde, mii lea válddahuvvon §:s 31. Go almmuhuvvo § 31 vuosttas lađđasa mielde, de lea doarvái ahte almmuheapmi sisdoallá konklusuvnnaid oanehis oktiigeasu ja čuvgehusa, gos berošteaddjit sáhttet oahpásmat olles raportii. Almmuheames galgá maiddái čuvgehit áigemearis doalvut soahpameahtunvuodáid meahcceduopmostullui.

§ 34 Giedahallan Finnmarkkuopmodagas

Finnmárkkuopmodat galgá vuodohis áji haga buktit oaivila komišuvnna konklusuvnnaide. Mearradusaide mat dohkkehit komišuvnna konklusuvnnaid ahte earrásiin leat vuoigatvuodát, gusto § 10 guđat lađas seamma láchkai.

Dan muddui go Finnmarkkuopmodat lea ovttamielas komišuvnnaid das ahte earrásiin leat vuoigatvuodát, lea Finnmarkkuopmodat geatnegas čálalaččat cealkit dan, ja almmá vuodohis áji haga fuolahit ahte vuoigatvuohta diggelogahuvvo dahje juos dilálašvuohta lea nu doalvut ášši eanajuohkoriektái § 45 mielde.

§ 35 Šiehtadallamat

Áššeosálaččat geat eai leat ovttamielas komišuvnna konklusuvnnaiguin, dahje geat dárbbášit veahki oazžut konklusuvnnaid čállojuvot čatnavaš šiehtadussii, sáhttet bivdit Finnmarkkukomišuvnna soabahallat. Komišuvnna geatnegasvuohta soabahallat jávká, go áigemearri doalvut soahpameahtunvuoda eanajuohkoriektái § 45 mielde lea nohkan.

II Finnmarkku meahcceduopmostuollu

§ 36 Finnmarkku meahcceduopmostuollu

Ásahuvvo sierraduopmostuollu (Finnmarkku meahcceduopmostuollu), mii galgá giedahallat soahpameahtunvuodáid vuoigatvuodáid alde, mat čuožžilit maŋŋil go Finnmarkkukomišuvdna lea čielggadan muhtun guovllu.

Gonagas nammada meahcceduopmostuolu lahtuid. Meahcceduopmostuolus galgá leat jodiheaddji, várrejodiheaddji, golbma bissovaš lahtu ja guokte sadjásašlahtu. Jodiheaddji, várrejodiheaddji ja okta daid eará lahtuin galget deavdit daid gáibádusaid, maid duopmostuolloláhka bidjá alimusrievttiduopmáriidda. Seamma gusto ovttá sadjásašlahtui, gii lea dán golbmasa sadjásašlahttu.

Áššiid mat gullet meahcceduopmostuolu vuollái, ii sáhte doalvut dábálaš duopmostuoluide dahje eanajuohkoriektái, juos meahcceduopmostuollu lea hilgon ášši § 40 mielde, dahje juos áššečuoččaldahttináigemearri § 38 mielde lea nohkan, iige meahcceduopmostuollu galgga váldit ášši giedahallamii § 38 nuppi lađđasa mielde.

§ 37 Jávkán

Juos oktage bissovaš lahttu lea eret, de gohččojuvvo dat sadjásašlahttu boahit gii galgá bálvalit bissovaš lahtu sajis gii lea eret. Juos jodiheaddji lea eret, de bálvala várrejodiheaddji jodiheaddjin.

Juos oktage meahcceduopmostuolu lahttu šaddá leat eret maŋŋil go ášši giedahallan lea álgán, de sáhtta giedahallama joatkit almmá gohčokeahtta sadjásašlahtu nu guhká go njeallje lahtu leat giedahallamin ášši. Juos leat ovttamade jienat, de jodiheaddji jietna mearrida.

§ 38 Stevnnet

Soahpameahttunvuodaid sáhtta doalvut meahceduopmostullui čálalaš stevnnegiin mañimustá jagi ja guhtta mánu mañnil go Finnmárkkukomišuvnna raporta addojuvvui. Stevnnet galgá leat vuolláičállojuvvon ja sisdoallat:

- a) áššeosálačča olles nama ja čujuhusa
- b) daid gáibádusaid albmadeami maid áššeosálaš čuoččaldahtta, ja diliid maid ala dat caggojuvvojit
- c) dan čuoččuhusa man áššeosálaš buktá
- d) dan vuosttuha gean vuostá gáibáduš buktujuvvo

Vaikko áigemearri vuosttas laddasa mielde lea nohkan, de galgá meahceduopmostuollu liikká giedahallat áššiid mat bohtet sisa ovdal go buot áššit ovttá guovllus leat loahpahuvvon, juos dat gávnnaha ahte ášši dohkke dakkár giedahallamii ja dan sáhtta giedahallat almmá mearkkašahtti mañjoneami haga duopmostuolu áššečadaheapmái. Dán laddasa mielde dahkkojuvvon mearrádusaid ii sáhte fallehit guoddalusain dahje váidalusain.

§ 39 Hilgun

Áššiid mat eai gávnnaheavvo dohkket meahceduopmostuolu giedahallamii, sáhtta duopmostuollu riektecealkámušain hilgut ollásit dahje osohakkii. Mearrideames galgá ee. adnojuvvo deasta gáibádusa slájas ja makkár vuđđosii dat vuodđuduvvá.

Ovdal go ášši hilgojuvvo, de galgá áššečuoččaldahtta addojuvvot vejolašvuohta cealkit. Ášši sáhtta hilgut almmá gohčoekahtta áššeosálaččaid riektečoahkkimii. Dán paragrafa mielde dahkkojuvvon hilguma ii sáhte fallehit guoddalusain dahje váidalusain.

§ 40 Áššiid ovttahttin, juohkin jna.

Meahceduopmostuollu sáhtta:

- a) ovttahttit mánga ášši oktasaš giedahallamii ja vejolaččat oktasaš mearrideapmái
- b) juohkit šiehtadallamiid ja dubmema ovttá dahje mángga gáibádusa hárrái mat leat ovttahttojuvvon ovttá áššis
- c) mearridit guđe ortnegis giedahallojuvvojit áššit mat leat buktujuvvon duopmostuolu ovdii.

Mearridemiin vuosttas laddasa mielde galgá ee. deattuhit deastta soahpameahttunvuoda guovlluid

lunddolaš ja ulbmillaš gáržžideames oli, rievttálaš ja historjjálaš čatnosiid dáfus ja dárbbu čielggadit riektediliid.

Ovdal go mearrádusat vuosttas laddasamielde dahkkojuvvojit, galgá áššeosálaččaide addit vejolašvuohta cealkit, juos dát ii gávnnaheavvo dárbbasmeahttumin dahje dát mielddisbuvttáši govttolašmeahttun mañjoneami dahje golu.

Dán laddasa mielde dahkkojuvvon mearrádusaid ii sáhte fallehit guoddalusain dahje váidalusain.

§ 41 Ovddasvástáduš ášši čuvgeheames jna.

Áššeosálaččain lea geatnegasvuohta čilget duodalaš diliid ja duodaštusaid, main lea mearkkašupmi mearrádussii. Meahceduopmostuollu galgá iešviežžat Finnmárkkukomišuvnna raporta ja dan atnit vuodđun go giedahallá ášši. Áššeosálaččat sáhttet lassin buktit ovdan duodaštussan dokumenttaid, mat leat bohtán dahje buktujuvvon ovdan Finnmárkkukomišuvnii dahje maid Finnmárkkuopmodat lea čállán.

Meahceduopmostuollu ii sáhte váldit vuostá vihtančilgehusaid Finnmárkkukomišuvnna lahtuin dahje olbmui, geat leat bargan komišuvnna ovddas ášši oktavuodas.

Riektečoahkkimiid áššeosálaččaid ja vihtaniid gažadeapmái olggobealde váldošiehtadallama sáhttet doallat meahceduopmostuolu guokte lahtu, geain nuppis fertejit leat dat gealbbut, mat gáibiduvvojit alimusrievttiduopmáriin. Meahceduopmostuollu sáhtta gáibidit, ahte guoskevaš diggeriekti čadaha gažademiid.

§ 42 Váidalus ja guoddalus

Meahceduopmostuolu mearrádusain sáhtta váidalit Alimusriektái. Soahpameahttunvuodalága § 357 ii gusto.

Mearrádusain mat soahpameahttunvuodalága mearrádusaid mielde lea guoddalusaid áhtun, sáhtta seamma láhkai guoddalit Alimusrievtti guoddaluslávdegoddaí go guoddalusat eai leat áiddastuvvon dán lága mielde.

§ 43 Ášši golut

Stáhta máksá meahcceduopmostuolu doaimmagoluid. Stáhta máksá maiddá áššeosálaččaid dárbbášlaš goluid daid áššiin vuoigatvuodaid gáibádusaid birra, maid Finnmárkkuopmodat lea vuostálastán.

Go mearrida gažaldagas, leatgo golut leamaš dárbbášlaččat, de galgá meahcceduopmostuollu ee. atnit čalmmis ahte áššeosálaččat geain leat ovttalágan beroštusat mat eai leat vuostáлага, sehtet geavahit ovtta juridihkalaš ja tehnikkalaš veahki. Duopmostuollu galgá nu árrat go vejolaš ieš váldit ovdan gažaldaga doppe gos dat lea áige guovdil.

Go sierranas árttat dahket dan sávahahttin, de sáhtta meahcceduopmostuollu geatnegahttit áššeosálačča ollásit dahje oassálassii ieš máksit goluidis áššis. Muđui gusto soahpmeahttunvuodáлага § 177 seamma láhkai.

Áššiid gieđahallama ovddas meahcceduopmostuolus ii máksojuvvo divat. Meahcceduopmostuolu mearrádusaid váidalemiide dahje guoddalemiide gusto láhka juovlamánu 17. 1982 nr. 86 riekte divada birra § 8.

III Oktasašnjuolggadusat

§ 44 Sáme giella

Sáme giella geavaheami hárrái gusto sámelága kapihtal 3. Sámelága § 3-4 vuosttas lađas gusto maid dái Finnmárkkukomišuvnii.

§ 45 Rádjegeassin ja diggelogaheapmi

Meahcceduopmostuolu riektefámolaš duomuid ja julggaštusaid ja šiehtadusaid, mat leat addojuvvon dahje dahkkojuvvon Finnmárkkukomišuvnna konklusuvnnaid mielde, sáhtta doalvut eanajuohkoriektái eanajuohkolága § 88 mielde. Eanajuohkoriekti čadaha rádjemearkuma eatnamis, koordináhtamearrideami ja rájiid gártema duomu, julggaštusa dahje šiehtadusa mielde. Njuolggadusat eanajuogu birra gustojit seamma láhkai nu guhkás go heivejit. Eanajuohkoriekti vuodđuduvvo almmá eanajuohkomieldeduopmáriid haga. Eanajuohkolága § 88 viđát lađas ja § 89 nubbi lađas eai gusto. Go váidaluvvo, de gusto § 72. Riekte divat ii máksojuvvo § 74 vuosttas lađasa mielde. Eai ge áššeosálaččat galgga máksit rádjemerkeama, koordináhtamearrideami ja rájiid gártema

goluid. Diggelogaheapmái gusto eanajuohkolága § 24 nu guhkás go heive.

Vuoigatvuodaid hárrái, maid meahcceduopmostuolu lágafámolaš duopmu dahje Finnmárkkukomišuvnna konklusuvnnaid mielde dahkkojuvvon julggaštus dahje šiehtadus lea mearridan, eai eastat dakkár vuoigatvuodaid vuodđudan- dahje luobahanvejolašvuodaid almmolašrievttálaš gáržžádusat diggelogaheames vuoigatvuoda. Divat dahje dokumenta divat ii máksojuvvo diggelogaheami ovddas.

§ 46 Gaskavuotta eará láhkamearrádusaide

Duopmostuollolága kapihtal 6 bealátkehtesvuoda birra ja almmolašvuodalahka gustojit nu guhkás go heive Finnmárkkukomišuvnna doibmii. Go oaidningáibádusat biehttaluvvojit, de sáhtta gažaldaga, leago lohpi beaitit áššegirji almmolašvuodas, váidalit Finnmárkku fylkkamánnái. Hálddašanláhka ii gusto Finnmárkkukomišuvnna doibmii.

Duopmostuolloláhka ja soahpameahttunvuodalahka gustojit nu guhkás go heivejit meahcceduopmostuolu doibmii, juos eará ii leat mearriduvvon dán lágas.

§ 47 Fáp mudus addit dárkilet njuolggadusaid

Gonagas sáhtta addit dárkilet njuolggadusaid Finnmárkkukomišuvnna ja Finnmárkku meahcceduopmostuolu birra, dán vuolde maid dái organiseremis ja ekonomalaš dilálašvuodain jna.

Kapihtal 6 Loahppamearrádusat

§ 48 Fáp muiboahhtin

Láhka gusto dan áiggi rájes, go Gonagas mearrida. Gonagas sáhtta bidjat fápmui iešguđege mearrádusa iešguđege áigái.

§ 49 Muhtádusnjuolggadusat

Kapihtala 2 fápmuiboahhtimis váldá Finnmárkkuopmodat badjelas daid gittaopmodagaid Finnmárkkus, maida Statskog SFas lea giddodatvuoddu dahje maid dat oamasta almmá giddodatvuodu haga. Seamma láhkai gustojit gittaopmodagaid ráddjejuvvon vuoigatvuodas. Oddasislogaheapmi vuodđogirjai dáhpáhuva

nammamuhttimiin. Sirdin dáhpáhuvvá verolaš jotkkolašvuodain iige dagat vearrogeatnegasvuoda Statskog SFii vearrologa § 5-2 mielde.

Finnmárkkuopmodat váldá badjelasas persovnnalaš ovddasvástádusa Statskog SFas bántagiddehusain ja eará giddehusain ruhtageatnegasvuodain daid opmodagain dahje vuoigatvuodain, maid Finnmárkkuopmodat váldá badjelasas. Finnmárkkuopmodat váldá maiddái badjelasas ovddasvástádusa šiehtadusain geavahanvuoigatvuodaid, láigovuoigatvuodaid j.s. birra daid opmodagaide ja vuoigatvuodaide, maid váldá badjelasas. Finnmárkkuopmodat váldá badjelasas konsešuvnnaid ja doaibmalobiid jna, mat Statskog SFas leat daid opmodagaid ja vuoigatvuodaid oktavuodas, mat váldojuvvojit badjelassii.

Šiehtadusamielde Statskog SFain lea Finnmárkkuopmodagas vuoigatvuohta váldit badjelasas šiehtadusaid, maid Statskog SF lea dahkan doaimma hárrái Finnmárkkus.

Gii kapihttala 2 fápmuiboahtimis lea Statskog SFa virgehas ja geas lea bargobáiki Finnmárkku fylkkas, earret virgehasaid geat leat Statskog SFa meahcebálvalusas, adnojuvvo Finnmárkkuopmodaga virgehassan fápmuiboahtináiggi rájes seamma bálká- ja bargoeavttuiguin go sus ledje Statskog SFas, juos virgehas ii leačča diedihán ahte son ii hálit dan. Fápmuiboahtináiggi rájes eai leat Statskog SFa virgehasat, geain lea bargobáiki Finnmárkkus, šat Statskog SFa virgehasat, juos dat ii leačča vasedin šiehtaduvvon.

Departemeanta gohčču Finnmárkkuopmodaga vuosttas stivrračoahkkimii. Stivra galgá fuolahit, ahte Finnmárkkuopmodat logahuvvo fitnodatlogaheapmái ovdal go guhitta mánu leat vássán fápmuiboahtima rájes.

Gii kapihttala 2 fápmuiboahtimis lea Statskog SFa virgehas ja geas lea bargobáiki Finnmárkku fylkkas ja gii lea Statskog SFa meahcebálvalusas, adnojuvvo fápmuiboahtináiggi rájes Stáhta luonddugeahču virgehassan. Muđui gusto njealját lađas seamma láhkai.

Gonagas sáhtá mearridit, ahte Finnmárkku doaimma eará oamit go gittaopmodagat galget sirdojuvot Statskog SFas Finnmárkkuopmodahkii ja Stáhta luonddugehčču. Gonagas sáhtá maiddái mearridit, ahte šiehtadusaid, nugo namahuvvo goalmát lađđasis,

galgá Stáhta luonddugeahčču váldit badjelasas.

Muđui sáhtá Gonagas addit dárkilet muhttádusnjuolggadusaid.

§ 50 Eará láhkamearrádusaid nuppástuhttimat

Dán áiggi rájes go Gonagas mearrida, dahkkojuvvojit čuovvovaš nuppástusat eará láhkamearrádusaide:

1. Láhka njukčamánu 12. 1965 stáhta čálitkeahces eatnamiid birra Finnmárkku fylkkas fámuhuhttojuvvo.
2. Láhkii geassemánu 30. 1972 nr. 70 báktedoaimma birra dahkkojuvvojit čuovvovaš nuppástusat:

Kapihttalis 2 čuodjá ođđa § 7 a:

Sierranjuolggadusat šerpema birra Finnmárkkus

Šerpemis Finnmárkku fylkkas galgá ohcci mañi- mustá vahku ovdal go šerpen álgá, čálalaččat diedihit Sámediggái, eanaoamasteaddjái ja boazodoalu guoskevaš guovllustivrii. Juos ohcci áigu meassat eatnamiid, de galgá albmadiid meassanbáikki.

Kapihttalis 3 čuodjá ođđa § 22 a:

Sierranjuolggadusat ozu birra Finnmárkkus

Ohcamušaid ozu birra Finnmárkku fylkkas sáhtá biehttalit, juos oktasaš deasttat mannet vuostá ohcamuššii miediheami. Árvvoštallamis galgá mearkašahhti mahttái deattuhit deastta sámi kultuvrras, boazodoalus, meahcásteames, ealáhusdoaimmaheames ja servodateallimis. Juos ohcamuššii mihttojuvvo, de sáhtá bidjat eavttuid mat áimmahuššet deasttaid nugo namahuvvon.

Ohcamuša giedahallamis galgá báktemeaštir addit eanaoamasteaddjái, Sámediggái, fylkkamánái, fylkkagildii, gildii ja boazodoalu guoskevaš guovllustivrii ja orohatstivrii vejolašvuoda addit cealkamuša.

Juos Sámediggi dahje Finnmárkkuopmodat eanaoamasteaddjin vuosttalda ohcamuššii miehtama, de departemeanta mearrida ohcamuša.

Juos departemeanta miehtá ohcamuššii dáhpáhusain nugo namahuvvo goalmát lađđasis, de lea váidalusas Gonagassii Sámedikkis dahje Finnmárkkuopmodagas eanaoamasteaddjin mañideaddji váikkuhus.

Kapihttalis 4 čuodjá odđa § 39 b:

Sierranjuolggadusat mihtádusa birra Finnmárkkus

Ohcamušaide mihtádusa birra Finnmárkku fylkkas gustojit mearrádusat §:s 22 a seamma láhkai. Dáhpáhusain nugo namahuvvo §:s 22 a goalmát lađđasis mearrida departemeanta, galgágo doallat mihtádusgávppi ovdal vai maŋŋil go departemeanta lea giedahallan ohcamuša.

§ 42 vuosttas lađas nubbi čuokkis čuodjá:

Ruvkkiide Finnmárkkuopmodaga eatnamiin sáhtá Gonagas lánkaásahusa bokte mearridit alit divada.

3. Láhkii geassemánu 9. beaivvi 1978 nr. 49 boazodoalu birra dahkkojuvvojit čuovvovaš nuppástusat:

§ 13 goalmát lađas odđa njealját čuokkis čuodjá:

Finnmárkkuopmodat ii sáhte gáibidit mávssu dán oasi mearrádusaid mielde.

§ 14 vuosttas lađas vuosttas čuokkis čuodjá:

Bivdo- ja guolástanvuoigatvuohta addá lobi lobálaš boazodoaluin barggadettiin boazoguvllus bivdit ja guolástit stáhta oktasašmehciin, dakkár stáhtaeatnamiin mat eai leat erenoamážit mihtiduvvon ja Finnmárkkuopmodaga eatnamiin dan orohaga siskko-bealde gos boazodoaluin bargojuvvo, seamma eavttuiguin go dan gieldda, gili dahje báikegotti fásta ássit, gos oktasašmeahcci, stáhtaeana dahje guoskevaš oassi Finnmárkkuopmodaga eatnamiin lea.

4. Lágas miessemánu 29. 1981 nr. 38 fuođđuid birra fámuhttojuvvo § 44 nubbi lađas.

5. Láhkii miessemánu 15. 1992 nr. 47 luossaguliid ja sáivaguliid jna birra dahkkojuvvojit čuovvovaš nuppástusat:

§ 19 goalmát lađas čuodjá:

Stáhta dahje Finnmárkkuopmodaga gittaopmodaga vuovdimis Finnmárkkus sáhtá guolástanvuoigatvuohta doalahallojuvvot buorin álbmogii.

§ 22 njealját ja vidát lađas fámuhttojuvvojit.

6. Lágas geassemánu 21. 1996 nr. 38 stáhtalaš luonddugeahču birra § 2 odđa njealját lađas čuodjá:

Finnmárkkuopmodaga eatnamiin galgá geahču gozihit lasi dađi mielde, maid departemeanta ja Finnmárkkuopmodat šiehttaba.

.....
Finnmárkkuláhka lea Lovdatas: www.lovdata.no
.....